

**MINISTARSTVO ZA ODGOJ I OBRAZOVANJE KS
PREDMET : ZASTUPNIČKA INICIJATIVA 19. RADNA SJEDNICA**

Upućujem inicijativu radi izrade Strategije obnove predškolskih ustanova koji pripadaju JU 'Djeca Sarajeva'

Obrazloženje:

Ministarstvo za odgoj i obrazovanje KS je i ove godine izdvojio sredstva za subvencioniranje privatnih vrtića u iznosu od 13.000.000,00 KM što je u skladu sa potpisanim Ugovorima sa privatnim vrtićima u iznosu od 230,00 KM po djetetu.

Ovakav način finansiranja pokrenut je 2019 godine i tadašnja Vlada Kantona Sarajevo donosi ovu MJERU kao privremeno rješenje zbrinjavanja djece sa liste čekanja. Ova MJERA prerasla je u PRAVILO koje se konstantno iz godine u godinu povećava. Porazna činjenica je da danas svjedočimo malim ili nikakvim ulaganjem u svoju osnivačku Ustanovu 'JU Djeca Sarajeva' i većina ovogodišnjih ulaganja u prostorne kapacitete i širenja dolaze od strane Općina i Grada Sarajeva.

Da li dijete u JU 'Djeca Sarajeva' koje Ministarstvo sufinansira sa 200 KM vrijedi manje od djeteta u privatnoj predškolskoj ustanovi koje Ministarstvo finansira sa 230 KM?

Za to vrijeme u vrtiću Skenderija djeca borave u prostoru čiji je pod prekriven lionoleumom direktno preko hladne betonske površine, vrtić nema trpezariju i slično...

Osnivač planiranom Strategijom vrši svoje opredjeljenje kako bi stavio u funkciju i stvorio adekvatne uslove za sve predškolske ustanove na način propisan standardima i uslovima dostojnim za boravak, rast i razvoj naše djece.

U javnosti se pokušava predstaviti stav roditelja da ne žele i neće da biraju vrtiće JU 'Djeca Sarajeva', ujedno Osnivač mora preuzeti odgovornost za nečinjenje po pitanju poboljšanja kvaliteta rada Ustanove. Osim šturih pozivanja da se poštuju odredbe Kolektivnog ugovora i da ulažu u stručni kadar što je i obaveza Ministarstva nema drugih vidljivih ulaganja. Interes djeteta bi trebao biti iznad svih drugih interesa i to je Konvencijsko pravo na koje se često pozivaju iz Ministarstva.

U Sarajevu, 30.12.2024 godine

Marijela Hašimbegović dia, zastupnica